



# Innuttaasunut kiffartuussineq pillugu nalunaarusiaq **2020**



**Kalaallit Nunaata Radioa**  
Greenlandic Broadcasting Corporation

KNR · Postboks 1007 · Issortarfimmur 1A · 3900 Nuuk

**knr.gl**



## Siulequt / Aallaqqaasiut

Tusagassiinerup silarsuaa ukiuni makkunani suli ineriartoqaaq, KNR-imiillu anguniarneqartuarpoq Innuttaasunut Kiffartuussinissamik Isumaqatigiissut (IKI) aqqutigalugu aningaasatigut sinaakkutissat ukiumut 68 mio.kr.-inik aningaasartaqartut iluanni, aallakaatitassianik ineriartortitsuarnissaq.

2020-mi nal. akunneri sulianut atorneqartut kisitsisitaat takuneqarsinnaapput qupperneq 11-mi. Katinnerani KNR-ip radiomut suliaqarnermi nalunaquttap akunneri piumasaqaataasut naammassisimavai, TV-mi nalunaquttap akunneri 81-it amigaatigalugit.

Covid-19-ip Kalaallit Nunaannut marsip qeqqani 2020 anngunneranut atasumik KNR angalanerit killilersugaaneraniq eqqorneqarpoq, nunatsinni pissartanngorniunnerit assigiinngitsut taamaatiinnarneqarput tamatumalu nassataanik nalunaquttap akunneri timersornermik aallakaatitsiffissat ikinnerulerlutik.

KNR-ip aallakaatitassiorfiini ukiup kaajallannernerani ataatsimoorussatut tulliuuttut suliarineqarput:

**Ukiup imm. A** januaariup aallaqqaataaniit juunip 21-ata missaanut atuuttoq.

**Ukiup imm. B** juunip 22-ata missaanit aggustip 22-ata missaanut atuppoq, sulinngiffeqarnerit, qaangiuttoornermut taarsiullugu sulinngiffeqarnerit assigisaallu pissutigalugit aallakaatitassiat ikilineqartarput. KNR-imi sulisut immikkut pisoqartillugu soorlu Inatsisartunut qinersisoqartillugu annertuumik ulapputeqartarput, pisut tamaasa aallakaatitassiorfigineqarnissaat piumasaqaataammat aamma taamaattumik ukiup immikkoortua B sulinngiffeqarfissatut qaangiuttoornernullu taarsiullugu sulinngiffeqarfissatut naleqquppoq.

**Ukiup imm. C** aggustip 23-ata missaanit decemberip 31-ata tungaanut atuppoq.

Ineriartornermut malinnaanissaq KNR-imut suli pingaaruteqarpoq aamma aallakaatitassiorfiit nutaat pitsangorsarnissaat. Ukiuni aggersuni siunnerfittut anguniarneqarpoq aallakaatitsiviit aamma aallakaatitassiorfiit ineriartortinneqarnissaat isiginnaartartut tusarnaartartullu piumasaqaataat naammassiumallugit.

2017-imi KNR-ip aallakaatitassiatut sulianik ingerlatsivik NxT pissarsiaaraa, taanna KNR-imi sulisut piffissap ingerlanerani suli pitsaanerulernissaannut pilertornerulernissaannullu iluaqutaassaaq. Sulianik ingerlatsivik ukiuni arlanni ineriartortinneqarpoq 2020-milu suliniut TV-mi aamma Radiomi naammassineqarpoq, 2021-milu pilersaaru-taalluni nittartakkamut (web-imut) tunngasoq ilanngutsinneqassasoq.

Atuarluarisi

*Karl-Henrik Simonsen*

**Kalaallit Nunaata Radioani** pisortaaneq



**Kalaallit Nunaata Radioa**  
Greenlandic Broadcasting Corporation

KNR · Postboks 1007 · Issortarfimmunt 1A · 3900 Nuuk

**knr.gl**



## KNR Radio

### Kalaallit Nunaanni aallakaatitassioortut allat (R1)

Radiomut nalunaaquttap akunneri 250-it sineriammit pisiarinearput, nalunaaquttap akunneri 75-it piunasaqaa-taasut. KNR Radio sineriammi najukkani radioqarfinnik aamma imitsittartunik amerlanngitsunik piffissani killilik-kani sulisartunik sulisuleqateqarpoq. Taakku sammisanik pingaarnernik soorlu timersorneq, peqqissuseq aamma eqqumiitsuliorneq kulturilu pillugit aallakaatitassioortarput.

### Namineq aallakaatitassiat (R2)

Radio nalunaaquttap akunnerini 2.790-ini aallakaatitsinissanut 20-nik sulisoqarpoq. Ullut tamaasa radiokkut aalla-kaatitsineq 6.30 aallartittarpoq 19.00 missaani unilluni, unnuup unnuallu sinneri aallakaatitseqqinnermut atorne-qartarput.

Radio napparsimasoqarnera assigisaalu pissutigalugit sunnertiasuuvoq. Napparsimasoqartillugu ilaanneeriarluni Radiokkut aallakaatitassiat toqqaannartut pilersaarutaareersut taamaatiinnarneqartariaqartarput.

### Meeqqat inuusuttullu (R3)

M&I immikkoortortami aqqissuisoqarfik nutaaq aallakaatitassiornermi periutsinik nutaanik ineriartortitsimavoq. *Issittormiuaqqat* meeqqaanut 2 x TV-kkut aallakaatitassianik ilikkagassanik aliikkutassianillu pingaarnertut imalin-nik suliaqartarput. Aammattaaq meeqqaanut radiokkut aallakaatitassioortarput ataasingornermit tallimangorner-mut nal. 9.30-10 aallakaatinneqartartunik. *Inuushow* radiokkut nalunaaquttap akunnera ataaseq ataasingorner-mit tallimangornermut toqqaannartumik aallakaatitsisarpoq, kiisalu sapaatip-akunneranut ataasiarluni TV-kkut aallakaatitassioortarluni. Inuusuttunut aqqissuisoqarfik inuusuttunut nutaarsiassanik suliaqarpoq, inuusuttunut soqutiginantuleraluni, inuusuttunik nuimasunik pulaartoqarluni, ullutsinni inuusuttut nunatsinni sulisarnersut oqallisigalugit, inuusuttunik allanik radiokkut TV-kkullu peqataatitsillutik il.il. Aqqissuisoqarfimmippat aqqissui-soq aamma aallakaatitassianik pilersaarusiortut pingasut soorluttaaq teknikerit marluk KNR-ip illuani Issortarfik 1-imi naqqup ataanut nuunnikuusut (Møbelsmagasinetip inikua). Tamaani *Issittormiuaqqat* aamma *Inuushow* TV-kkut aallakaatitsiviannik aqqissuussisimapput. Taamaaliornikkut aqqissuisoqarfik kiffaangissuseqarnerulluni namineq immiussinernik aqutsisinnaalerpoq KNR TV-mi aallakaatitassianut allanut inmiginnikkunnaarluni.





### Eqqumiitsuliorneq aamma kulturi (R4)

Eqqumiitsuliorneq aamma kulturi KNR Radiomi aallakaatitsivinni tamaginni inituvoq, toqqaannartumik aallakaatitsinerni aamma aallakaatitassiani sivilisunerusuni aqqissuussaasuni.

Aallakaatitassiaq kulturimut tunngasoq *Ullukillisaarfik* taamatinneqarpoq oqartoqarsinnaavorlu taassuma paarlat-taatut aallakaatitassiat katitikkat takinerit eqqumiitsuliornermut kulturimullu sammisut amerlanerulersut. Eqqumiitsuliorneq aamma kulturi sammineqartarput pisoqartillugu malinnaatitsinikkut aamma sineriak tamakkerlugu inunnik kulturikkut soqutiginaatilinnik apersuinertigut.

### Timersorneq (R5)

2020-mi KNR Radio sapaatip-akunneri tamaasa nalunaquttap akunnerata aappaata affaani timersorneq pillugu aallakaatitsisarpoq, taamaattoq aasaanerani nalunaquttap akunnerani ataatsimi. Nunatsinni nunanilu allani timersornikkut pisut assigiinngitsut sammineqartarput. 2020-mi Nunatsinni pissartanngorniunnerit tamavimmik Corona pissutigalugu killilersuinerit tunngavigalugit taamaatinneqarput, aamma KNR-ip timersornermut tunngasunik nalunaquttap akunnerinik aalajangersimasunik aallakaatitsisussaataitanini naammassisinnaasimangilaa.

### Nutaarsiassat aamma maanna pisut pillugit sammisat (Radio) (R6)

Ullaakkut aallakaatinneqartartoq *Nunatta Nipaa* aamma ualikkut aallakaatinneqartartoq Inuiaat Tillernerat nutaarsiassanik maannalu pisut pillugit sammisanik aallakaatitsiffiupput pingaernerit. Taamaattoq maanna pisut pillugit sammisat aallakaatitassioriaatsini allani sammisanik toqqaanissani pingaarutilimmik inissisimapput.

Ukiup affaani siullermi *Oqalliffik* pingasunngornerit tamaasa avataanit pulaartoqarluni aallakaatinneqartarpoq. Aallakaatitassiaq radiokkut toqqaannartumik ingerlasoq aqaguani qallunaatut allagartalerlugu TV-kkoortarpoq.

Aallakaatitassiaq toqqaannartarpoq *Isuma* 2020-p naanerani aallartippoq, taanna isummersoqatigiiffittut iluseqarpoq pingasunngornerit tamaasa nal. 13-15 aallakaatinneqarluni *tassanilu ullut tamaasa* akunnattuunngassutit sammineqartarput.





## **Nutaarsiassat aamma maanna pisut pillugit sammisat (Nutaarsiassaqtitsivik) (R6)**

Nutaarsiassaqtitsivik Innuttaasunut Kiffartuussineq pillugu isumaqatigiissut naapertorlugu nalunaaquttap akunnernit 1.050-iusunut nalunaaquttap akunnernik 60-inik amerlanerusunik aallakaatitsivoq. Tassunga pissutaasinnaavoq *Oqalliffik*, taanna radiokkut TV-kkullu toqqaannartumik aallakaatinneqartoq.

KNR ulluinnarni ulluunerani radioaviisinik arfineq-marlunnik sapaatip-akunneratalu naanerani marlunnik aallakaatitsisarpoq, aasaanerani ulluinnarni radioaviisit tallimat sapaatip-akunneratalu naanerani marluk aallakaatinneqartartut. Radioaviisit tamarmik oqaatsit marluk atorlugit saqqummiunneqartartut. Upalungaarsimanissaq pissutigalugu Covid-19-imut atasumik tusagassiivinnik katersortitsinerit radiokkut TV-kkullu toqqaannartumik aallakaatinneqartartut.

## **Inuit attaveqaqatigiittarfiini nutaarsiassat**

Facebook tassaavoq inuit attaveqaqatigiittarfiat pingaarneq KNR-radiop tusarnaartartumik avitseqatigiiffia. Ullaakkut radio inunnik 11.000-t sinnerlugit malinnitseqarpoq aamma tusarnaartartut isummersoqatigiinnerannik ingerlatsiffiuvoq allakkatigut, videokkut aamma assinik avitseqatigiiffiusinnaasoq.

## **Atuartitsineq aamma peqqissuseq (R7 aamma R8)**

Naak atuartitsinernik toqqaannartumik aamma peqqissusermut tunngasunik aallakaatitassianik suliaqartoqartanngikkaluartoq, aallakaatitassiat amerlasoorsuit atuartitsineq aamma peqqissuseq pillugu imaqartartut. Pingaartumik piffissami matumani Coronap atugaanerani. Tamanna pingaartumik toqqaannartumik aallakaatitsinerni, aallakaatitassiani aaqqissuussani takisuuni aamma meeqqanut inuusuttunullu aallakaatitassiani pisarpoq.

## **Danskisut aallakaatitassiat R9**

Sapaatip-akunneri tamaasa KNR Radio takornartat oqaasii atorlugit pingaartumik qallunaatut aallakaatitsisarpoq. KNR Radio 2019-imi ukiuunerani aallakaatitassiorlumik namminersortumik suleqatigiinnermik aallartitseqqippoq inunnik ilisarititsinernik aamma inuiaqatigiinnut soqutiginaatilinnik qallunaatut aallakaatitassianut tunngasumik.

## **2020-mi radiokkut aallakaatitassiat nalunaaquttap akunnerisa katinnerat (R10)**

IKI naapertorlugu, radio minnerpaamik ukiumut nalunaaquttap akunneri 3.600-t radiokkut aallakaatitsisassaaq, aamma KNR 2020-mi radiokkut katillugit nalunaaquttap akunneri 8.732-t aallakaatitsivoq. 2020-mi KNR radiokkut nalunaaquttap akunneri 5.132-t sinnerlugit aallakaatitsivoq, tassunga pissutaavoq KNR-imit aalajangiunneqarmat ullup unnuallu ingerlanerani aallakaatitseqqiisoqartassasoq.

2019-ip naanerani radiomi immiussisarfinnut ilassutitut ataatsimik sanasoqarpoq NxT-imik annertusaanermut atasumik atornerqartumik, taamaaliorneq nukissanik atorluaneruvoq immiussisarfik atorluarneqaqimmat.





## KNR TV

### Kalaallit Nunaanni aallakaatitassioortut allat (T1)

Aallakaatitassianit soorlu *Qanorooq*, *Oqallinnerit*, *Qangattaq*, *Illeq*, *Qiimmassalaarfik*, *Appiguk* aamma *Piorsarsimasuseq Qanimut* – taakkunanga arlallit KNR-ip avataani aallakaatitassioortut allat peqatigalugit isiginnaartartunut soqutiginaatillit aamma taakkununga tunggassuteqartut ineriartortissinnaasimavai. 2019-imi KNR tallimannngornerni aliikkusersuutaasunik aallakaatitassioortalerpoq 2020-mi nangingneqartumik. Coronap atugaanerata nalaani assut iluaqutaavoq. Pisariaqartitsinermut nalimmassarsinnaajumalluni atorfiit arlallit TV-mi tusagassioortut atorfitut allanggortinneqarput.

Ukiuni qaangiuttuni NTK-mik (Radio- aamma TV-qarfiit peqatigiiffiat) TV-mut tunggasumik suleqateqarneq annikil-leriarsimavoq maannami sammisallit marluk kisimik suleqatigineqalerput, avataanit pisiortorfiit ullutsinni tassaa-lerput inuussutissarsiutigalugu aallakaatitassioortut TV-utileqatigiiffittut peqatigiiffilerinermut attuumassuteqanngitsut. TV-utileqatigiiffiit peqatigiiffiit NKT-p ataaniittut aamma sionatigumut naleqqiullugit aningaasarsiutigalugu satellit-TV-mik aamma streamerinermit kiffartuussisutut nioqutissioortunngornikuupput ikittuaraannaallu aallakaatitassioortermik suliaqarlutik. Ukiuni qaangiuttuni KNR Uummannami, Aasiaat, Sisimiut, Maniitsoq, Qaqortoq aamma Nuummi aallakaatitassioortermik ingerlatsisunik aalajangersimasunik suleqateqarpoq. Aallakaatitassioortut avataaneersut taakku Innuttaasunik Kiffartuussinissamik Isumaqatigiisummi sammisassatut aallakaatitassiat allassimasut naapertorlugit isiginninniartuupput aamma KNR avataanit aallakaatitassioortunit aallakaatitanik nal. akunnerinik 47-nik pisivoq – naatsorsuutigisamit nalunaaquttap akunnerinik 53-inik ikinnerusunik, Corona sunik piviusunngortitsisinnaanermit annertuumik sunnuteqarpoq. Taamaattoq oqartariaqarpugut ulloq manna tikillugu sulii aallakaatitassianik ileqqusussatut imaluunniit pitsaassusissatut kissaatigisatsitut naammassinningitsunik pisisariaqartarluta.

### KNR-imi nammineq aallakaatitassiat (T2)

KNR nalunaaquttap akunnerinik 634-nik TV-mut aallakaatitassioortinnaasimavoq. TV-mik aallakaatitassioortermik immikkoortortaq 2020-mi TV-mik kalaallisut oqaasertalinnik 634-nik sanaartorsinnaasimavoq. TV-mik aallakaatitassioortermik immikkoortortamit 2020-mi atuisut TV-mik kalaallinit aallakaatitassiarineqarsimasunit ullormut isiginnaartagaannik 2019-imisut amerlatigisunik isiginnaagassioortinnaasimavoq. Taamaaliortoqarsinnaasimavoq naak satellitsinit aamma nittartagatigut TV-kanalinit sakkortuumik unammillerneqaraluarluni.

Corona pissutigalugu aallakaatitassioortermik matuneqarpoq aamma 2020-mi ukiup immikkoortuani A-mi sapaatip-akunnerinik 23-usunit 13-ini suliaavut ikilisinneqaaqat.

KNR aallakaatitassioortermi unammilligassaqaraluaqaluni KNR-imi arriitsumik qularnaatsumillu malugineqarpoq, aallakaatitassioortarnerni pitsaassuseq aamma imaritinneqartut innuttaasut akornanni nuannarineqaleriartornerat.



### Meeqqat inuusuttullu (T3)

Meeqqanut Inuusuttunullu aallakaatitassiat nalunaaquttap akunneri 53-it sanaartorneqarput. TV-mik immikkoortortamit Meeqqanut Inuusuttunullu immikkoortortamut teknikkikkut inissatigullu nukissat qaffanneqarsimapput, aallakaatitassiornermi suliaqartut sisamat aamma TV teknikkimit sulisut marluk tapersorsorniarlugit.

Meeqqanut Inuusuttunullu immikkoortortami aqqissuisut nutaat aallakaatitassianik nutaanik ineriartortitsipput. *Issittormiuaqqat* meeqqanut 2 x TV-kkut aallakaatitassiorput, ilinniartitsineq aliikkutassiornerlu pingaernerutilugit. Inuusuttunut aqqissuisoqarfik inuusuttunut nutaarsiassiortarpoq, inuusuttunut soqutiginaatilinnik, inuusuttunik nuimasunik pulaartoqarluni, Kalaallit Nunaanni ullutsinni inuusuttut sulerisarneranik il.il. imalinnik aallakaatitassiorluni. Aqqissuisoqarfimmiipput aqqissuisoq aamma aallakaatitassiornermik aqqissuinermik suliallit pingasut kiisalu teknikerit marluk KNR-ip illuani Issortarfik 1-imi (Møbelmagasinetip inikua) naqqup ataanut nooqataanikuullutik. Tamaani *Issittormiuaqqat* aamma *Inuushow* TV-ikkut aallakaatitsiveqarput, tamaaniipput aamma allaffiit inilu pinngorartitsivik. Taamaaliornikkut aqqissuisoqarfik kiffaanngissuseqarnerulerpoq, maanna namminneerlutik aallakaatitassiatik aqussinnaaleramikkit KNR-imi TV-kkut aallakaatitassiat allat innimigisariaarullugit.

### Timersorneq (T4)

Ukiup aallartinnerani KNR-imit timersornermik sammisanik aallakaatitsivinni tamani aallakaatitsinerni ataqatigiis-saarisumik atorfinitsitsivoq. Corona pissutigalugu killilersuinerit tunngavigalugit KNR-ip nalunaaquttap akunneri 170-it TV-kkut timersornermik aallakaatitsinissani amigaatigai 2020-mi Kalaallit Nunaanni pissartanngorniunnerit tamavimmik taamaatinneqarmata. Timersornermik aallakaatitsineq sapernarluinnangajappoq, suliniut ataaseq akuersissutigineqarpoq aamma periutsit immikkut ittut atorneqarput tamanna naammassisinnaajumallugu. Nalunaaquttap akunneri qulit aallakaatitassiarineqarput ilaatigut kivittaarilluni rekordiliiniarluni misiliineq.

Ukioq 2020 KNR-ip oqaluttuarisaaneranut ilannguppoq tassami KNR-imi aallakaatitsivinni pingasuni ataatsikkut aallakaatitsinnaasoq siullerpaaq atorfinitsinneqarmat. Marsip 1.-aanni timersornermik ataqatigiisarisooq atorfinitsinneqarpoq taanna knr.gl-ikkut, KNR TV-kkut aamma KNR Radiokkut timersorneq pillugu aallakaatitassiat aqqissuisutut aamma tusagassiortutut suliarissavai. TV-mik aallakaatitassiornermik immikkoortortamit suleqatit pitsaasut pingasut inuulluaqquneqarput sulisullu nutaat marluk tikilluaqquneqarlutik.





## Eqqumiitsuliorneq aamma kulturi (T5)

TV 2020-mi eqqumiitsuliorneq aamma kulturi pillugit nalunaquttap akunnernik 219-inik aallakaatitassiorpoq. *Illeq* KNR-ip unnukkut aallakaatitagaata nutaq aallakaatinneqartalerpoq, sapaatip-akunneranut marloriarluni saqqummersartooq. *Illeq* aallakaatitassiaavoq minutsinik 55-inik sivisussusilik, taanna aallakaatitassiamut pisoqalilersumut *Sinerissatsinnit* taartaavoq siornatigut sapaatip-akunneranut 2x 25 minutsit aallakaatinneqartooq. Nutaartaasoq tassaavoq aallakaatitassiorneq nalunaquttap akunnerata missaanik sivitsoriaateqarmat.

*Illeq* kulturi inuiaqatigiillu aallaavigalugit sineriammit peqataatsinerunermik aamma tusagassioriaatsimik nutaamik ukkataqarpoq. *Illeq* uummaarissuuvoq soqutiginarlunilu. KNR-imit sineriammi toqqaannartumik aallakaatitsinerimik atorulersuutinik amerlanernik aamma inissinikuuvoq, taamaalilluni toqqaannartumik aallakaatitsinerni toqqaannartumik apersuinerimik pitsaasunik tunniussisoqarsinnaalerluni.

Aliikkutassiaq *Appiguk* Sisimiunit aallakaatinneqartarsimapput, aallakaatitassiat nunatsinni mattussineq sioqqullugu immiunneqarput, paasinarsivoq taakkua pitsaasumik aningaasaliissutigineqarsimanerat. Qangattaq pingasoriarluni toqqaannartumik aallakaatinneqarsinnaasimavoq illoqarfinit Ilulissat, Sisimiut aamma Tasiilaq. Pengaamik Tunumit toqqaannartumik TV-kkut aallakaatitsisoqarpoq, aamma aallakaatitsineq pilersaarutigineqartut ingerlanneqarpoq naak Tunumi internetti piginnaasakinnerugualuortoq. Kisianni pilersaarusiortuarnikkut aamma Telep KNR-illu suleqatigiilluernerisigut iluatsilluarpoq. *Qangattaq, Illeq* aamma *Qimmassalaarfik* aallakaatissioriaasiupput pitsaasut ullutsinnulu naleqquttut inuiaqatigiittut qaninnerulersitseqataapput aamma najukkani pissut-sinik piviusunik ersersitsissutaapput. Juullimut aallakaatitassiorneq aamma eqqorneqarpoq. Taamaakkaluortoq KNR illoqarfinit Uummannaq, Asiaat, Maniitsoq, Tasiilaq aamma Nuuk aallakaatitassianik juullerpalaartunik suliaqarsinnaasimavoq.

KNR TV-p illoqarfinit Tasiilaq, Ilulissat, Narsaq aamma Sisimiut *Qangattaq* aallakaatippaa. Nuup saniatigut *Illeq* Narsarsuarmut aamma Qassiarsummit aallakaatitassiorpoq aamma *Appiguk* Ilulissani immiunneqarpoq. *Appiguk* ukiup immikkoortuanut tullermut A 2021-mi aallakaatitassat Ilulissani immiunneqarput.

## Nutaarsiassat aamma maanna pisut pillugit sammisat (T6)

TV-kkut nutaarsiassat aamma maanna pisut pillugit aallakaatitassiat nalunaquttap akunneri 220-t isumaqatigiisutaasunit nalunaquttap akunnerinik 119-inik amerlanerusutk aallakaatitassiarineqarput. Nutaarsiassaqaartitsivik Covid-19-mut tunngasumik upalungaarsimaneq pillugu tusagassiivinnik katersortitsinernik, nutaarsiassanik malinnaanernik aamma malinnaatitsilluni paasissutisseeqqinnernik aallakaatitseqataasarpoq. Pineqarput nalunaquttap akunneri 20-t sinnerlugit Coronamut tunngasumik tusagassiivinnik katersortitsinernit aamma paasissutitsinernit aallakaatitsinernit nutaarsiassanik aamma maanna pisut pillugit sammisatut inissisimasut. Aallakaatitsinernit tamarmik – siullerpaq - minillugu oqaatsit marluiit, kalaallisut qallunaatullu, atorlugit ingerlanneqarput. KNR 1 aamma 2 atorlugit oqaatsinut assigiinngitsunut nutsikkat aallakaatitsiffiqineqartarlutik.

Nutaarsiassaqaartitsivik ukiup affaani siullermi *Oqalliffik*-mik aallakaatitassioqataasimavoq. Tamanna immikkoortortaqaarfinit allanik suleqateqarluni ingerlanneqarpoq, aqqissuisoqarfiit paarlakaajaallutik sapaatip-akunneri tamaasa minutsini 45-ni aallakaatitassianik suliaqartarput. *Oqalliffik* oqallittoqarnissaanik siunertani naapertorlugu aallakaatitsinnaasarsimangilaq tusagassioqartunik amigaateqarneq pissutigalugu. Covid-19-imut atasumik pissutsit nukissanik amerlasuunik pisariaqaartitsisimapput, taamaakkaluortoq suliaassat immikkoortortamit ingerlanneqarsinnaasimapput naak ukiup annerpaartaani tusagassioqartunik amigaataasimangaluartut. Qanoroq pilersaarutit naapertorlugit aallakaatitsinnaasimavoq ulluinnarni nutaarsiassiinernit minutsinik 20-nik sivisussusillit, aasaanerani minutsinik 10-12-inik sivisussusilinnik - nutaarsiassiinernit tamarmik pilersaarutigineqartut ingerlanneqarput.





### **Atuartitsineq (T7)**

2020-mi nalunaaquttap akunnerinik atuartitsiffiusunik aallakaatitassiortoqarsinnaasimangilaq – isumaqatigiis-summi allassimagaluarpoq nalunaaquttap akunnerni 20-ni tv-kkut atuartitsisoqassasoq.

### **Peqqissuseq (T8)**

2020-mi nalunaaquttap akunneri 13-it yogarnermik (peqqissuseq) aallakaatitassiortoqarpoq.

### **Qallunaatut aallakaatitassiat (T9)**

Nalunaaquttap akunnera ataaseq taamaallaat qallunaatut aallakaatitassiortoqarpoq.

### **Qallunaatuunngorlugu oqaasertalersuineq (T10)**

2020-mi aallakaatitat nalunaaquttap akunneri 150-t qallunaatuunngorlugit oqaasertalersorneqarput. Taakkua tassaanerupput Qanoroq.

### **TV-mi nalunaaquttap akunnerisa katinnerat (T11)**

IKI naapertorlugu KNR TV minnerpaamik nalunaaquttap akunneri 715-it TV-kkut aallakaatitsisussaavoq.

KNR TV ukiuni kingullerni allangoriartuaartinneqarpoq taamaalilluni maanna tusagassiornermik aqqissuisoqarfik sisamanik sulisoqarpoq, taakkua tusagassiornermik suliamik erseqqinnerusumik malunnaateqarnerusumillu tunniussipput, aallakaatitassianik nutaanik pilersitsillutik soorluttaaq teknikerit sulisullu ineriartortorujussuuneranik kinguneqarpoq ineriartorneq isiginnaartartunit iluaqutiginneqartoq.

Nunarsuaq tamakkerlugu Covid-19-imik nappaalanersuaq pissutigalugu suliffeqarfik sakkortuumik tatisimaneqarpoq, kisianni piffissaq tamaat qiviaraanni, taamaakkaluatoq TV-mik immikkoortortaqarfik ajunngitsumik angusaqarsimavoq naak sulisunik arlalipparujussuarnik angerlartitsisariaqarsimagaluarluni. Sulisut taakkua angerlarsimaffimminnit sulianik ingerlatsisimapput aamma aallakaatitsivinnut assigiinngitsunut tunniussivigisassaminnut tunniussisarsimallutik assullu kusanartunik angusaqarlutik. Ileqquliussaasimasut arlallit misissorneqarput allangortinneqarlutillu, kisianni suut tamaasa qiviaraanni piffissaq pineqartoq anigorluarneqarpoq. KNR tusagassiivinnik katersortitsinerni siullerni inuit imminnut qanillutik pinerat pillugu unammilligassaqaartinneqarpoq, ilami KNR sulisunik taamak amerlatigisunik isumalluutissaqanngilaq, kisianni sulisut kingulerussimasut suut tamaasa iluatsissinnaaqullugit suliarujussuarmik pitsassuarmik ingerlatsipput.





## Radiomi aamma TV-mi teknikkimut tunngasut

Teknikki tassaavoq ukioq kaajallallugu ulluni tamani 24/7 sullissinermik tunniussisoq. Naak teknikkeqarnermik immikkoortortaq mikisunnguugaluartuq KNR aaqqissuussanik assut katitigaasunik nutaaliaasunillu atortoqarpoq, taakkua ataatsimut aningaasaliiffigissagaanni 25 millioninik naleqartut. Teknikkikkut atortorissaarutit illuni marlunni inissisimanerat immikkut ittunik katitigaasunillu unammilligassartaqarpoq, imaammat Issortarfik 1-imi teknikkikkut atortulersuutit inini mikisuni naleqqutinngitsuni inissisimatinneqarput, aamma eqaatsusinnaaneq periarfissallu annertuumik killeqartinneqarput atortulersuutit pingaarnerpaartaat TV-p illuani inissisimanagera pissutigalugu.

KNR 2017-imiilli – 2020 ilanngullugu – aamma qularnanngitsumik 2022 tikillugu ima atugassaqartitaassaaq, atorunik pisoqaasunik aserfallassimasunillu tamanik taarsersuissalluni suliaasarlu taanna pisariulaarpoq, 24/7-mik ingerlatsineq pissutigalugu atortut ukiut 3-5 qaangiunneri tamaasa taarsersorneqartariaqartarmata. Ukioq 2020 aamma tassaavoq KNR TV kiisami HD-mik aallakaatitsinnaalerfia, tamatuma nassataanik nuna tamakkerlugu aallakaatitat pitsaassusiat malunnaatilimmik pitsanngoriarput. KNR siornali TelePostimik oqaloqateqartarpoq Kalaallit Nunaanni nassitsissutit pitsanngorsarneqarnissaanut tunngasumik aamma taamaaliorluni KNR-ip tv-signalia HD-nngortinneqarsinnaaqullugu. TelePostimit Naalakkersuisut isumaqatigiissusiorfiginerat iluatsinneqarpoq taamaaliorinikkut nassitsissut SD-signalimit HD-signalimut ulloq juunip 21-at 2020 pitsanngoriartinneqarpoq. Aaqqissuussineq taanna malunnartillugu inuiattut ullorsiornermi unnukkut aliikkusersuinermit atasumik Attaveqatigiinnermit Naalakkersuisoq signalimik nikisitsisuutinneqarpoq.

KNR-imi sulisut aqutissiusseqataapput tunisassiorunik peqateqarlutik aallakaatitassiornermik teknikkimik aaqqissuussamik ineriartorteqataagamik aallakaatitassiassanik sulianik ingerlatsivinni pingasuni nutaarsiassanik, radiomik aamma TV-mik aallakaatitsinerni kingornalu nittartakkami atorineqartussami. Immikkoortortat aamma sulisut namminerisamik ilisimasatik atorlugit suleriaatsinut aamma aallakaatitassiornermik atortunut piumasaqaatinik ineriartortitsinermut sunniuteqaqataapput.

KNR ineriartornermi kinguleruttuarsimasooq maanna europamiunut sanilliulluni ineriartorluarsimanerit siuttuisa akornanni siullertut inissisimalersinnaasimavoq. Aallakaatitassiornermi ingerlatseriaatsit pitsaasut ataavartumik ineriartortinneqartarput aamma sulisut atuuffinnik namminneq annerujussuarmik ingerlatsisinnaapput. Tamanna isumaqarpoq KNR-imi pitsaassuseq qaffariartinneqarsinnaasimasoq soorluttaaq aallakaatitassiat amerleriartinneqarput sinaakkutissap ataatsip assigiissup iluani aallakaatitassianik nutaanik pissanganartunillu ukkassisoqarsinnaalerneratigut.

Naak KNR suleriaatsinik ineriartortitsinermik aqutissiusseqataagaluarluni imaanngilaq KNR-ip atortui pitsassuusut – taamaangilarli - paarlattuanik KNR atortunik arlalinnik ingerlaavartumik taarsersorneqartariaqartunik peqarpoq aamma taakkua akikinngillat.

Oktoberip aallartinnerani KNR European Broadcast Unionimit qaaqquneqarpoq KNR-ip TV-kkut radiokkullu aallakaatitsissutaa NxT pillugu saqqummiussiartoqquneqarluni.

KNR-imi teknikkikkut immikkoortortaq ukiup ingerlanerani ilisimasatik teknikkimillu ikiuussinnaanini tunngavigalugit Naalakkersuisut tusagassiivinnik katersortitsinerni inissaannik nutaaliaasumik Naalakkersuisullu pisariaqartitaannut naleqquttumik pilersitsinermut ikiupput.

Teknikkimik suliallit aamma aaqqissuisoqarfinnik aqutsisut suliffimmut uterput suullu tamaasa atorlugit inuttasut maannakkut pisunik, nutaarsiassanik aamma upalungaarsimaneq pillugu paasissutissanik tunineqarnissaat qulakkearniarlugit. Sulisut tamaviaarsinnaanertik tamaat suliamik ingerlatsipput tunniussimaqalutillu naammassinnillutik. Teknikki eqqarsaatigalugu sulisut angerlarsimaffimminnit sulisinnaanerannut akornusiinngilaq, teknikkikkut aaqqissuussat sulisullu tupinnaannartumik eqaatsumik pitsaasumillu tunniussaqaqatigiipput. KNR-imut isersinnaaneq ukioq naallugu killeqarpoq KNR-ip upalungaarsimasussatut pisussaaffia pissutigalugu. Taamaattoq killilersuinerit sulisut piginnaasanik ineriartortitsinerannut, sineriammut nunanullu allanut aallakaatitassiorluni angalanernut kiisalu kommuneqarfiup avataani ataatsimiinnermik nalinginnaasunik ingerlatsinissanut annertoorejussuarnik unammilligassaqartitsipput.

## 2020-mi nal. akunneri sulianut atorpeqartut

Normu	2020-mi isumaqatigiissut naapertorlugu nal.ak suliat	Isumaqatigiissut	Piviusunngortitat	Nikingassutit
	<b>RADIO</b>			
R1	Kalaallit Nunaanni aallakaatitassiortunit allanit	75	250	175
R2	Nammineq aallakaatitassiat	2.790	3.013	223
	<b>Nammineq aallakaatitassiat suussutsinut immikkoortillugit</b>			
R3	Meeqqanut Inuusuttunullu	300	240	-60
R4	Eqqumiitsuliorneq aamma kulturi	1.300	1.581	281
R5	Timersorneq	110	48	-62
R6	Nutaarsiassat aamma maanna pisut	1.050	1.110	60
R7	Atuartitsineq	20	23	3
R8	Peqqissuseq	10	11	1
R9	Taakkunannga qallunaatut aallakaatitat	320	249	-71
R10	<b>RADIO KATILLUGU</b>	<b>2.790</b>	<b>3.013</b>	<b>223</b>
	<b>TV</b>			
T1	Kalaallit Nunaanni aallakaatitassiortut allat	100	47	-53
T2	KNR-imi nammineq aallakaatitassiat	715	634	-81
	<b>KNR-imi nammineq aallakaatitassiat suussutsinut immikkoortillugit</b>			
T3	Meeqqanut Inuusuttunullu	50	53	3
T4	Timersorneq	180	10	-170
T5	Eqqumiitsuliorneq aamma kulturi	220	219	-1
T6	Nutaarsiassat aamma maanna pisut	220	339	119
T7	Atuartitsineq	20	-	-20
T8	Peqqissuseq	10	13	3
T9	Qallunaatut aallakaatitassiat	15	1	-14
T10	Qallunaatut oqaasertalersukkat	80	150	70
T11	<b>TV KATILLUGU</b>	<b>715</b>	<b>634</b>	<b>-81</b>
	<b>2020-mi Radiomut TV-mullu ikinnerpaaffissat</b>	<b>Isumaqatigiissut</b>	<b>Piviusunngortitat</b>	<b>Nikingassutit</b>
	RADIO	3.600	8.732	5.132
	TV	821	4.561	3.740

## Allaffissorneq/qullersaqarfik

### Sulisut illullu

#### Sulisoqarnerup tamarmiusup nassuiarneqarnera

KNR-imi atorfiit aalajangersimasut 98-iupput. 2020-mi atorfillit 95-iupput, taakkua aalajangersimasunik atorfilinnut tulliuuttunut 88-inut agguataarsimallutik, filmiliornermut TV-liornermullu teknikeritut ilinniartut pingasuupput, tusagassiortut ilinniartut marluullutik. Sulisut immikkoortortanut atorfinnullu ima agguataarsimapput:

Nutaarsiassaqaqtitsivik, Nittartagaq, Radioaviisi aamma Qanoroq:

Sulisut 33-it ima agguataarsimasut; nutaarsiassaqaqtitsivimmi pisortaq 1, akisussaalluni aqqissuisoq 1, aqqissuisut 4, aallakaatitassiornermi assistenti 1, nutserisut 3, tusagassiortunngorniaq 1 aamma tusagassiortut 21-t. Taakkunanga tusagassiortoq ataaseq Qaqortumi sulivoq najugaqarlunilu, taamatuttaaq tusagassiortut ataaseq Ilulissani Danmarkimilu ataaseq najugaqarlutillu sulipput. Tusagassiortunit 21-usunit arfinillit qallunaatut oqaasi-liupput.

Qaqortumi sulisut katillutik pingasuupput tamarmik sulianik ingerlatsivinnut, tassa tv-mut, radiomut aamma nutaarsiassanut tunniussisarput.

#### Radiomut immikkoortortaqaarfik:

Sulisut 20-t ima agguataarsimasut; radiomi pisortaq 1, aqqissuisut 3, aqqissuisoqarfimmi allatsi 1, aallakaatitasanik pilersaarusiortut aamma aallakaatitsinermi aqutsisut 3, aallakaatitassiornermi sulialik 1, atuaasut 2 aamma tusagassiortut 11. Tusagassiortut tamarmik kalaallisut oqaasiliupput.

#### TV aamma teknikqarnermut immikkoortortaq

Sulisut 33-t ima agguataarsimasut; TV-mi pisortaq 1, pilersaarusiornermut pisortaq 1, suleqatigiinnut aqutsisut 2, aqqissuisoq 1, tusagassiortoq 1, timersornermik ataqatigiissaarisoq 1, tusaagassiortunngorniaq 1, aallakaatitasanik pilersaarusiortoq 1, pilersaarusiortoq & suliniutinik aqutsisoq 1, serviceteknikeri 1, filmiliornermik- aamma tv-mi aallakaatitassiornermik ilinniartut 2, IT-mik ingerlatsisut 2, tv-mik aallakaatitsisoq 1, toqqorsivimmiittuutinik digitaliseriineramik suliallit 3, aallakaatitassiortoq & ilinniartunut akisussaasoq 1 aamma teknikerit 12. Immikkoortortamit nammineq aallakaatitassiat isumaginerisa saniatigut KNR-imi immikkoortortanut tamanut teknikkikkut sulialinnik sullissinerinillu tamanik ukioq kaajallallugu 24/7 tunniussineq.





### **Allaffissorneq/qullersaqarfik:**

Pisortaaneq 1, pisortaqarfimmi allatsi 1, aningaasaqarnermut pisortaq 1, sulisoqarnermut pisortaq 1, naatsorsuuserisoq 1, naatsorsuuserisoq & tuniniaasoq 1, sulisoqarnermut sullissisoq aamma kiffartuussinnermi sulisoq 1.

### **Sulisut naammagisimaarinninnerannik misissuinermit kisitsisit pingaernerit nassuiaataat**

Ukiut sisamassaannik Sulisut naammagisimaarinninnerannik misissuineq Ennova suleqatigalugu ingerlanneqarpoq.

KNR-imut tamarmut KNR-illu ataani immikkoortortaqarfimmi arlalinni misissuinermit angusat pigineqarput.

2020-mi KNR tamakkerlugu suliamik nuannarinnineq pillugu misissuinermit angusat katinnerat 78-iuvoq (2018-imi 73-iuvoq 2019-imilu 75-iulluni), tamanna naammagisimaarnarpoq suliffeqarfimmi suliffimmi nalerisimasoqarneranik paasinarsitsimmat. Suliniuteqarfiit assiginngitsut arfineq-marluk aallaavigalugit immikkoortortaqarfimmi assigiinngitsuni aqutsisunut ataasiakkaanut iliuusissatut pilersaarutinik suliaqartoqartarpoq. Iliuusissatut pilersaarutit malittarineqartuarput aamma pisariaqartitsisoqartillugu aqqissuunneqartarput.

### **Illut illunilu pissutsit nassuiarneqarnerat**

KNR Issortarfimmi illuni attartukkani marlunni inissisimavoq. Illup aappaa (Issortarfimmut 1a) inissiatut sisamatut/allaffeqarfittut sananeqaqqaarsimagaluarpoq majuartarfeqarfiit marluk atorlugit isertarfeqarluni naqqullu ilua nammineq isertarfilik allaffeqarfittut sananeqaqqaarsimagaluartoq. Naqqup ilua maanna KNR-ip inaaut atuutilerpoq inip annertussusia 300 kvm.-inik allissutaalluni, ininik pisariaqartitsinermit oqilisaataavoq. Illup aappaa (Issortarfimmut 9) aqquerngup qummut nanginneraniittoq naqteriviusimavoq aamma taamaattumik inersuarmik angisuumik initaqarluni inillu quleriaat qullit allaffeqarfittut aqqissuunneqarsimapput.

Issortarfimmut 1-imi init quleriaat qullit allaffeqarfiupput kiisalu inini allerni nutaarsiassaqaartitsivik tamarmi aamma Qanorooq-p teknikkeqarnermik immikkoortortaa. Radiokkut aallakaatitassiornermik ingerlatsivik init quleriaat qulleriniippoq, Meeqqanut Inuusuttunullu aqqissuisoqarfik naqqup iluanut nammineq TV-ikkut immiussisarfeqarluni nuunnikuusoq. Illumiupput radiomik toqqaannartumik aallakaatitsiviit marluk inillu immiussisarfiit pingasut. Illu radioqarfittut atorneqartussatut sanaajungilaq aamma taamaattumik aqqissuussaananermigut unammillernartoqarluni.

Issortarfimmut 9-miupput tv-mik aallakaatitassianut immikkoortortaq, TV-mik nutaarsiassanik immiussisarfik, quersuaq server-parkiusoq illumilu tassanippoq TV-mik aallakaatitsivik. Meeqqanut Inuusuttunullu immiussisarfik illumut allamut nuunneqarpoq, tamatuma kinguneranik TV-ikkut aallakaatitassiornermi immiussisarfik pilersitsinissamat periarfissat annerulaalerput. Illu TV-qarfittut atuuttussatut aamma sanaajungilaq taamaattumillu illup iluani immiussisarfiugallartussamik sanasoqarnikuvoq. Illu 9, 2014-imi ukiakkut attartornerup aallartinneqarneranik sisamariarluni oqummik eqqugaavoq, oquiaanermik suliaqarnerup nalaani sulisut Issortarfik 1-imut utaqqiisaagallartumik nuuttariaqartarnikuupput.

Ulloq februaarip 1.-at 2019 illu nutaamik piginnittoqalerpoq, taassuma piumasaqaatigaa illup kujammut iigaa piarneqarluni nutaamik sanaqqinneqassasoq, taamaaliortoqarporlu, piginnittullu nutaap suliaq naammagisimaarpaa soorlu piffissami matumani oqummik ajornartorsiutinik nutaanik malugisaqartoqanngitsoq. Piginnittoq nutaaq suleqatiginnikkumaqaaq aamma nammineq soqutiginninnini tunngavigalugu illummik aserfallatsaaliinermik ingerlatsilluni.

KNR-ip illunut marlunnet avinneqarsimanera naapertuutillingilaq aamma ataqatigiissumik pitsaasumillu suliaqarsinnaanermut naleqqutinngilaq, suliffeqarfimmi ataatsimi illumini/inini assigiinni sulisut nalinginnaasumik suleqatigiinnerannut akornusersuutaavoq, tupinnanngitsumik sanaartukkatigut atugassarititaasut ukiumoortumik sulisut naammagisimaarinninnerannik misissuinermit sulisunit pitsaanngitsumik nalilerneqartarput soorluttaaq inatsisit naapertorlugit suliffeqarfiup nalilerneqartarnerani.



## KNR-ip internettikkut nassiussuiffigisai – Nittartagaq, SMS, TTV, aviisi sarsuasooq

- Web
  - KNR.gl - KNR-ip pisortatigoortumik nittartagaq  
Nittartagaq tusagassiiviuvoq makkuninnga imalik
    - Nutaarsiassanut immikkoortup imarai maanna nutaarsiassat, silassaq, toqqaannartumik aallakaatitsinerit, qinersinermik malinnaaneq, immikkoortut itisiliiffiusut allarpassuillu
    - TV-mut immikkoortoq On-Demand (toqqaalluni) video-nik isiginnaarfissalik tv-kkut aallakaatitanik toqqorsivissualik aamma TV-kanalinit marluusunit (OTT) toqqaannartumik aallakaatitsinnaasoq
    - Radiomut immikkoortoq tusarnaagassianik (podcastinik), toqqaannartumik aallakaatitanik, pil-luaqqussutinik allanillu imalik
    - Atuisunut immikkoortoq assiisivilik aamma internettikkut kiffartuussinerit
  - YouTube  
*youtube.com/KNRgreenland* (KNR-ip TV-p aallakaatitai On-Demand playlistit) aamma KNR1-ip tv-mik aallakaatitsineranik toqqaannartumik isiginnaarfik  
*youtube.com/nutaarsiassat* (KNR-ip nutaarsiassanik aallakaatitai On-Demand)  
*youtube.com/meeqqanut* (KNR-ip meeqqanut aallakaatitai On-Demand)
  - Facebook  
*facebook.com/nutaarsiassat radiop aamma tv-p aaqqissuisoqarfiinit Facebookimi aallakaatitat arlallit*
  - Twitter  
*twitter.com/nutaarsiassat*
  - Live streamerinemik/toqqaannartunut kiffartuussiviit ukunannga KNR1, KNR2 aamma KNR-radio
  - Podcast: KNR.gl, Libsyn, Apple Music, Spotify aamma Google Podcast
- SMS
  - Mobilinut kiffartuussivik 1717, unammisitsinernut, allaffissatut aamma TV-kkut radiokkullu aallakaatitanut assigiinngitsunut amerlasuunut nassiussivik
- TTV
  - Tekst-TV, KNR1 aamma KNR2 nutaarsiassat, aallakaatitassat, timmisartut tikittarnerat aallarfi-saat il.il.
- Nutaarsiassanik sarsuatitsivik
  - KNR-ip Nuup illoqarfiata qeqqani nutaarsiassanik sarsuatitsivia



KNR.gl

Saqqaa KNR pillugu KNR pillugu nutaarsiassat Acorfilit Kalaallisut Dansk

**KNR** Kalaallit Nunaata Radioa  
Greenlandic Broadcasting Corporation


Qasigiannugit 14°C 3.9 m/s ↓

Nutaarsiassat TV Radio Podcast Politikki Inuussutiss. Kulturi Timersorneq Nunat allat Sillassaq Asslisivik

SAMMISAT Corona Kuannersuit #KQ2021 #IQ2021

KNR.gl 2014-imi kingullermik pitsanngorsarneqarami taamanili ilusini aqqissuunneqarinilu atugarilerpaa. Ukiut ingerlaneranni annikitsuinnarmik aqqiisoqartarpoq. Nittartagaq Drupal 7-imi suliaavoq 2021-p kingorna pisortatigoortuunngitsumik ikiorserneqaqqissanngitsoq. Nittartakkap suliarineqarfia 2020-mi nutarsarneqartoq Drupal 9-uvoq.

Nittartakkap atornerqarneranik kisitseqqissaarneq imaappoq:



2020-mi ukiumut atuisut amerlassusiat 2 millionit pallippaat.

KNR-ip nittartagaa 1996-imi pilersinneqarnerminit 2020-mi aammaarluni atuisunit ataasiakkaanit aatsaat taamak amerlatigisunit atornerqarpoq. Tamatumuuna atuisut marloriaatingungajallutik. Tassa 2020-mi **atuisut ataasiakkaat 1.822.582**. Taamaattumik KNR.gl suli nutaanik atuisortartuarpoq.







## KNR.gl-imi immikkoortut

2020-mi podcastinik tusarnaarfissap juulimi saqqummiunneqartup nutaap saniatigut, immikkoortunik nutaanik ilangussisoqangilaq. Taamaattoq nutaarsiassanum immikkoortoq imaqarnerulaalerpoq: [knr.gl/nutaarsiassat](http://knr.gl/nutaarsiassat), [knr.gl/nyheder](http://knr.gl/nyheder)

Tassunga ilangullugu immikkoortoq podcastinik tusarnaarfissaq:

[knr.gl/podcast](http://knr.gl/podcast)



## Allanngorsinnaassuseq

KNR.gl-imi qupperit imarisaat ingerlaavartumik aariaannangorlugit nittartakkamut immiussuunneqartarput mobilinik atuisut paasissutissanut atuinissaat killilersimaarneqaqqullugit. Atuisut sisamaagaangata pingasunit amerlanerit nittartakkamut mobilimit imaluunniit tabletsimit isertarput.

Desktopsinit (qarasaasianit uninngasunit angallattakkaniillu) isertartut ikileriaqqipput kisiannili aalajaallilerunarlutik. Atuisut taamaallaat **23,0%-ii** desktopsinik atugaqarput (2019-imi 25%), atuisut **76,9%-ii** (2019-imi 75%-it) mobilinit annermik smartphonenik atuisuupput.



### 2020

1. mobile	1,255,459 (69.16%)
2. desktop	418,669 (23.06%)
3. tablet	141,296 (7.78%)

### 2019

1. mobile	668,848 (63.19%)
2. desktop	264,206 (24.96%)
3. tablet	125,438 (11.85%)

KNR.gl. atuisut



**Kalaallit Nunaata Radioa**  
Greenlandic Broadcasting Corporation

KNR · Postboks 1007 · Issortarfimmur 1A · 3900 Nuuk


knr.gl

## TV aamma radio live stream/toqqaannarteq, kiisalu Video-On-Demand/toqqaaneq

### Radio toqqaannarteq


KNR Radio toqqaannarteq 2020-mi 2,5 millioneriarluni iserfgineqarpoq, uani ukiut siuliinit amerleriaatit takuneqarsinnaapput:

#### Visits Over Time



Ukiup siulianut assersuussinermi internetti aqutigalugu radiomik toqqaannartumik tusarnaartut 8,4%-inik amerlanerupput.


2,502,854 visits



Tusarnaartartut ¾ Danmarkimeersuupput (43%) Kalaallit Nunaannit (28%)



## TV live stream/toqqaannartoq



KNR1-imik toqqaannartumik isiginnaarnerit 2020-mi **324.879-iupput**. 2019-imi isiginnaarnerit 187.961-iusunut sanilliullugit amerleriaat qaffaseqaaq. KNR2 toqqaannartumik isiginnaarnerit 2020-mi 115.738-iupput, 2019-imi taamaallaat 29.572-usut.

Ullormi ataatsimi isiginnaarnerit amerlanerpaat kanalini marlunni ulloq marsip 16-iat 2020 pippup, KNR1-imi 4.339-t KNR2-milu 3.226-t. Nunatsinni pissutsit Covid-19-imut tunngasut pillugit aallakaatitsinerit.



## VOD (Video On Demand) aamma AOD (Audio On Demand)

TV, VOD:


### Channel analytics

Overview Reach Engagement Audience Revenue

## Your videos got 2,852,650 views in 2020



2020-mi KNR toqqaannartoq aamma on demand



2019-imi KNR toqqaannartoq aamma on demand



Amerlasuut KNR TV nittartakkakkut isiginnaartarpaat. 2020-mi tv-mik nittartakkakkut **isiginnaarnerit 2,8 mio.**-iupput, 2019-imi isiginnaarnerit 1,95 mio.-iugamik isiginnaartut amerlassusiat qaffariarujussuarpoq, qaffariaatip assigaa 46%. Taamaattumik aallakaatitassiat katillugit **nalunaaquttap akunneri 488.526,5** isiginnaarneqarput. Atuisut 75%-it missaat Kalaallit Nunaanneersuupput, 22% missaat Danmarkimit sinneri nunanit allanit tamalaanit.

Atuisut KNR-imik toqqaannartumik aamma on demandimik atugaqartut tulliuuttut atorlugit isiginnaartarput:

Mobili: 43,9% (46,1% i 2019)

TV: 26,5% (19,2% i 2019)

Qarasaasiaq: 14,6% (16,6% i 2019)

Tabletsi: 10,6% (14,4% i 2019)

Game console: 4,1% (3,6% i 2019)

2020-mi aallakaatitanit isiginnaassallugu amerlanerpaanit aaneqartoq tassaavoq "Jaaku Sørensen & René Brandt Løvstrøm – Takuakkit" taanna 45.901-eriarluni isiginnaarneqarpoq, tulliulluni "Ukioq Naavoq 2019 KNR 31.12.2019" taanna 30.666 isiginnaarneqartoq. Assersuutigalugu 2019-imi aallakaatitaq isiginnaarneqarnerpaaq 15.000-init isiginnaassallugu aaneqarpoq.


KNR pingaarnertut kanalimini **11.000-nik** atuisoqarpoq, KNR-ip nutaarsiassanut kanalia **3.100-nit** aamma KNR-ip meeqqanut kanalia **2.050-init**.

### Radio, AOD (podcastitut (tusarnaagassiatut))


Podcastit juulimi saqqummersinneqarput. Matumani takuneqarsinnaavoq ullut tamaasa tusarnaagassianik aallertut kisitsisitaat. Immikkoortut katillugit **73.370-it** aaneqarput.



Atuisut amerlanerit Kalaallit Nunaannit, Danmarkki aamma USA-mit aggerfeqarput.



Radiokkut aallakaatitassiaq amerlanerpaanit aaneqartoq tassaavoq "Radioaviisi", taanna 2020-mi 21.081-eriarluni aaneqarpoq.



## SoMe, Social Mediat/Inoqatinut attaveqaatit

### Facebook.com/nutaarsiassat

KNR-ip Facebookimi quppernera ukiup naanerani likes-inik 20.801-inik toorneqarsimavoq aamma nunatsinnit quppernertut assersuunneqarsinnaasunut Nuannerineqarnertut 5-inut siuttuuvoq. Radiokkut aallakaatittagaq "Nunatta nipaa" nr. 5-iuvoq.

Total Page Likes: 20,801



Page	Total Page Likes
YOU 1  KNR.gl Nutaarsiassat - ...	21.3K
2  Sermitsiaq.AG	19.8K
3  TELE-POST	19.3K
4  Naalakkersuisut/ Gover...	14.5K
5  Nunatta nipaa - KNR Ra...	11K
6  Nanoq Media	10.9K






## twitter.com/nutaarsiassat

KNR-ip twitterimi quppernera 2020-mi 2.315-inik malinnitseqarpoq – qaffariaat annikitsunnguulluni.

Ukiq tamaat impressionsit/twittinik takuneqarlutik, ujarneqarlutik nuannarineqarnerat 1.525.500-iupput, 2019-imut sanilliullugu ikileriaalaarlutik. Twittinik takuneqarnerpaaq: "VIDEO: Kalaallit Nunaat sinnerlugu Dronningimut erinarsoqatigiinneq" [zpr.io/t5Wiw](https://zpr.io/t5Wiw), 4.449-eriarluni takuneqarpoq.

Your Tweets earned **540.7K impressions** over this **91 day** period



	Tweets	Top Tweets	Tweets and replies	Promoted	Impressions	Engagements	Engagement rate
<b>KNR Greenland</b> @nutaarsiassat · 31 Mar 2020 Naalakkersuisut erseqqissaassuteqalersut: Politiit angelarsimaffinnut isersinnaanngussanngillat <a href="https://zpr.io/tkR7e">zpr.io/tkR7e</a> <a href="#">View Tweet activity</a>					513	4	0.8%
<b>KNR Greenland</b> @nutaarsiassat · 31 Mar 2020 Atassutip siulittaasorisaa toqukut qimaguppoq <a href="https://zpr.io/tkR7J">zpr.io/tkR7J</a> <a href="#">View Tweet activity</a>					485	4	0.8%

## KNR TTV (tekst-tv)

Tekst-TV-mut nutaarsiassanik aaqqissuineq Drupalikkut imaluunniit NXT atorlugu toqqaannartumik ingerlanneqar-tarpoq. Nutaarsiassat kingullit 25-t, oqaatsit marluk atorlugit tekst-TV-mi takutinneqartarput. Ilaatigut aallakaati-tassat tullerriaarnerat, timmisartut tikiffissaat aallarfissaallu, paasisutissat allat.

Epinionip atuisunik misissuisitsinerani isiginnaartartut 41%-iisa tekst-TV ullut tamaasa tamangajaasaluunniit atuartarpaat.

## KNR SMS 1717

KNR-ip mobilinut kiffartuussivia TV-kkut radiokkullu toqqaannartumik aallakaatitsinerni kiisalu radiokkut aallakaatitsinerni tusarnaartartunik peqataatitsinerni aamma KNR-imut atassuteqarnerni atorneqartarpoq assersuutigalugu nutaarsiassanik innersuussinernut naliliinernullu.

## KNR.gl-imi kiffartuussinerit allarpassuit


KNR-ip nittartagaani kiffartuussinerit periarfissallu assigiinngitsorpassuupput. Silassamik ilisimasaarutinit aalla-kaatitassanik nalunaarsuiffinnut aamma immikkoortunut allanut assiivimmullu – ilaannai taaginnarlugit. KNR-imi atuisut assiiviannik atuisut sulii amerliartorput maanna assit 17.000-t sinnerlugit pigineqarput.

[KNR.gl/assiisivik](https://knr.gl/assiisivik) – [KNR.gl/billedgalleri](https://knr.gl/billedgalleri)

## WEB - NITTARTAGAQ

Oqaatigisariaqarparput KNR.gl-imik atuisut ukiut sisamat ingerlanerannit marloriaatinngormata 25%-imit 51%-imut. Qaffariaat taanna erseqqippoq aamma KNR-ip siunnerfilimmik pilersaarutaanik uppersaavoq, tassaasumik Web-First (nittartagaq siulliullugu) taamannak toqqaaneq eqqorpoq ukiuni aggersuni naammassillugu suliarineqartariaqartoq. 2020-mi nittartakkakut nutaarsiassat pitsanngorsarneqarnissaat toqqarparput, nittartakkamut piimasaqaatit naammassisinnaajumallugit sulisut marlunnik ilaneqarput. Tamanna isumaqarpoq KNR-imit najukani nutaarsiassat qulakkeerneqartut. Decemberip naanerani nittartakkamut immikkoortortoq assitaliortorput peqatigalugu podcastip silarsuaanut nutaamik sanarfilluni aallartippoq, taanna immikkoortoq tusarnaartartunit atorineqartassaaq.

Nittartakkap teknikkita ineriartortuarpoq maannakkullu teknikkimik suliamik ingerlatsivik taarserneqartariaqalerpoq, tassunga tunngasoq ukiut tulliuuttut marluk iluanni missingersuusiorfigineqarpoq. Teknikkimik suliaasaqarfimmi ineriartortitsinermut sulisut sulii ataatsimik ilaneqarnissaat pisariaqartinneqarpoq.



## 2020-mi Naatsorsuutit

	Naatsorsuutit	Missingersuutit	Nikingassut
<b>ISERTITAT</b>			
Tapiissutit aningaasaliissutit	-68.043.000	-68.043.000	-
Isertitat allat	-4.798.373	-5.334.667	536.294
<b>ISERTITAT KATILLUGIT</b>	<b>-72.841.373</b>	<b>-73.377.667</b>	<b>536.294</b>
<b>ANINGAASARTUUTIT</b>			
Akissarsiat	46.693.983	46.012.655	681.328
Akissaatersuutit (honorar)	6.480.317	7.428.500	-948.183
Sulisoqarnermut aningaasartuutit	2.096.232	2.108.000	-11.768
Aallakaatitassiornermut aningaasartuutit	1.847.524	2.414.667	-567.143
Isumaqatigiissutit pisussaaffillu	2.962.400	3.776.910	-814.510
Allaffissorneq	1.035.296	1.137.300	-102.004
Biilit aamma taxat	390.090	298.000	92.090
Atortut & IT	6.050.807	5.915.123	135.684
Illunik ingerlatitsineq	5.869.989	5.730.900	139.089
<b>ANINGAASARTUUTIT KATILLUGU</b>	<b>73.426.639</b>	<b>74.822.055</b>	<b>-1.395.416</b>
<b>ERNIAT IL.IL.</b>	<b>147.541</b>	<b>2.000</b>	<b>145.541</b>
<b>UKIUMI ANGUSAT (AMIGARTOORUT)</b>	<b>732.806</b>	<b>1.446.388</b>	<b>-713.582</b>

KNR-ip 2020-mi naatsorsuutaasa ersersippaat amigartoorutit **732.806 kr.-isuut**, amigartoorutissatut missingersuutigineqartut **1.446.388 kr.** Nikingassutaasut **713.582 kr.-it** ukuninga pissuteqarput:

- SMS-init isertitat missingersuutigineqartunit ikinneroqaat aallakaatitassiassatut pilersaarutininik naleqqus-saasimanninneq pissutigalugu
- Akissarsinik aningaasartuutit qaffasinnerupput soraarniuteqartut amerlanerit (sulinngiffeqarnerisutit) kiisalu akissarsianik aaqqiinnerit pissutigalugit
- Akissaatersuutit aamma aallakaatitassiornermi aningaasartuutit ikinnerupput Corona pissutigalugu aaqqis-suussinerit ikinnerit il.il. ingerlanneqarmata
- Isumaqatigiissutit pisussaaffillu missingersuutigineqartunit ikinnerupput 2019-imi aamma 2020-mi.

Taakkua saniatigut suliniutinut missingersuusiortifigineqarsimasunut aningaasat atornerqannginnerat nikingassu-tinut annertuumik peqqutaqaataapput, soorlu uku: nittartakkamut nutaamut piareersaaneq, pilersaarusionerq pillugu siulersuisut pisortallu ataatsimiinnissaasa taamaatinneqarnerat kiisalu NxT-p naammassineqarnissaannut aningaasat missingersuutigineqartut, taakkua katillutik 700 tkr.-it missaannik naleqarput.